

Allannguutissatut siunnersuut

uunga

Uunga siunnersuut: Isumaginnittoqarfiup aqunneqarnera aaqqissuussaaneralu pillugit Inatsisartut peqqussutaata allanngortinneqarnissaa pillugu Inatsisartut inatsisaat, Inissianik attartortitsisarneq pillugu Inatsisartut peqqussutaat pillugu Namminersorlutik Oqartussat nalunaarutaanik allanngortitsineq, Unammilleqatigiinneq pillugu Inatsisartut inatsisaanik allanngortitsineq, Siusinaartumik pensionisiat pillugit Inatsisartut inatsisaanik allanngortitsineq, Pisortat Pisiortortarneranni Neqerooruteqartitsinermi Maalaaruteqartarfik pillugu Inatsisartut inatsisaanik allanngortitsineq, aamma Pinngortitamik illersuineq pillugu Inatsisartut inatsisaanik allanngortitsineq
(Maalaaquteqartarfiit suleriesai pillugit inissiineq pillugu maleruagassanik allannguuteqarneq)

Pingajussaanneerpeqarnissaanut Naalakkersuisunit saqqummiunneqartoq.

Siunnersuutip qulequtaanut

1. Siunnersuutip qulequtaa imatut oqaasertalerneqarpoq:

“Uunga siunnersuut:

Isumaginnittoqarfiup aqunneqarnera aaqqissuussaaneralu pillugit Inatsisartut peqqussutaata allanngortinneqarneranik, inissianik attartortitsisarneq pillugu Inatsisartut peqqussutaata allanngortinneqarneranik, unammilleqatigiinneq pillugu Inatsisartut inatsisaata allanngortinneqarneranik, siusinaartumik pensionisiat pillugit Inatsisartut inatsisaata allanngortinneqarneranik, Pisortat Pisiortortarneranni Neqerooruteqartitsinermi Maalaaruteqartarfik pillugu Inatsisartut inatsisaata allanngortinneqarneranik aamma pinngortitamik illersuineq pillugu Inatsisartut inatsisaata allanngortinneqarneranik Inatsisartut inatsisaat
(Naammagittaalliuuteqartarfiit suleriaasiisa aalajangersarneqartarnerannut maleruagassanik allanngortitsineq)”

§ 1-7-imut

2. §§ 1-7 imatut oqaasertalerneqarput:

“§ 1

Isumaginnittoqarfiup aqunneqarnera aaqqissuussaanelu pillugit Inatsisartut peqqussutaanni nr. 11, 12. november 2001-imeersumi, Inatsisartut inatsisaatigut nr. 14, 6. juni 2016-imeersukkut aamma Inatsisartut inatsisaatigut nr. 47, 23. november 2017-imeersukkut allanngortinneqartumi, tulliuttut allanngortinneqarput:

1. § 9, imm. 8, imatut oqaasertalerneqarpoq:

” *Imm. 8.* Naalakkersuisut Isumaginninnermi Naammagittaalliuteqartarfiup allattoqarfiatalu suliassaminik ingerlatsinerannut maleruagassanik sukumiinerusunik, tassunga ilanngullugu qinigaaffiup naanissaa sioqqullugu naammagittaalliuteqartarfiup siulittaasuata inassuteqarneratigut naammagittaalliuteqartarfimmut ilaasortanik soraarsitsisarneq, kiisalu naammagittaalliuteqartarfimmut ilaasortat aningaasarsiaqartinneqarnerat pillugu maleruagassanik, aalajangersaassapput.”

2. § 9-mi imm. 10-tut ilanngunneqarpoq:

” *Imm. 10.* Isumaginninnermi Naammagittaalliuteqartarfiup suleriaasissani nammineq aalajangersassavaa.”

§ 2

Inissianik attartortitsisarneq pillugu Inatsisartut peqqussutaanni nr. 2, 12. maj 2005-imeersumi, tak. Namminersorlutik Oqartussat inatsimmik nalunaarutaat nr. 52, 17. oktober 2023-meersoq, tulliuttut allanngortinneqarput:

1. § 83, imm. 3, atuukkunnaarsinneqarpoq.

Imm. 4-6 tamatuma kingorna imm. 3-5-inngorput.

2. § 83, imm. 6, § 83, imm. 5-nngortoq, imatut oqaasertalerneqarpoq:

” *Imm. 5.* Naalakkersuisut maalaaruteqartarfiup suliassaminik ingerlatsineranut maleruagassanik sukumiinerusunik aalajangersaassapput.”

3. § 83-imi imm. 6-ip, imm. 5-inngortup kingorna, ilanngunneqarpoq:

” *Imm. 6.* Ineqarneq pillugu Maalaaruteqartarfiup suleriaasissani nammineq aalajangersassavaa.”

§ 3

Unammilleqatigiinneq pillugu Inatsisartut inatsisaanni nr. 1, 15. maj 2014-imeersumi, tak. Namminersorlutik Oqartussat inatsimmik nalunaarutaat nr. 2, 26. marts 2021-meersoq, tulliuuttut allanngortinneqarput:

1. § 26, imm. 3, imatut oqaasertalerneqarpoq:

” Imm. 3. Naalakkersuisut uku pillugit maleruagassanik sukumiinerusunik aalajangersaassapput:

- 1) Unammilleqatigiinnermut Ataatsimiititaliap suliassaminik ingerlatsinera.
- 2) Atuisoqarnermut Unammilleqatigiinnermullu Aqutsisoqarfiup suliassaminik ingerlatsinera.
- 3) Unammilleqatigiinnernut Ataatsimiititaliap ilaasortassaanik inassuteqartarneq toqqaasarnerlu.
- 4) Ataatsimiititaliap siulittaasuata inassuteqarneratigut Unammilleqatigiinnermut Ataatsimiititaliamut ilaasortanik piffissaq sioqqullugu ilaasortaajunnaarsitsisarneq.
- 5) Inatsisartunut Naalakkersuisunullu il.il. ilaasortat aningaasarsiaqartitaanerit il. il. pillugit Inatsisartut inatsisaannut naapertuuttumik Unammilleqatigiinnermut Ataatsimiititaliamut ilaasortaanik aningaasarsiaqartitsineq.”

2. § 26-mi imm. 4-tut ilanngunneqarpoq:

” Imm. 4. Unammilleqatigiinnermut Ataatsimiititaliap suleriaasissani nammineq aalajangersassavaa.”

§ 4

Siusinaartumik pensionisiat pillugit Inatsisartut inatsisaanni nr. 40, 9. december 2015-imeersumi, tak. Namminersorlutik Oqartussat inatsimmik nalunaarutaat nr. 41, 14. september 2023-meersoq, Inatsisartut inatsisaanni nr. 70, 20. november 2023-meersumi § 2-kkut allanngortinneqartoq, tulliuuttut allanngortinneqarput:

1. § 10, imm. 2, imatut oqaasertalerneqarpoq:

” Imm. 2. Naalakkersuisut siusinaartumik pensionisiaqarneq pillugu naammagittaalliuuteqartarfiup suliassaminik ingerlatsineranut, kiffartuussinikkut anguniagaannut, qinigaaffiup naanissaa sioqqullugu naammagittaalliuuteqartarfiup siulittaasuata inassuteqarneratigut naammagittaalliuuteqartarfimmu ilaasortanik ilaasortaajunnaarsitsisarnermut maleruagassanik sukumiinerusunik kiisalu naammagittaalliuuteqartarfiup ilaasortaasa akissarsiaqartinneqarnerat pillugu maleruagassanik, aalajangersaassapput.”

2. § 10-mi imm. 3-tut ilanngunneqarpoq:

” Imm. 3. Siusinaartumik pensionisiaqarneq pillugu naammagittaalliuuteqartarfiup suleriaasissani nammineq aalajangersassavaa.”

§ 5

Pisortat Pisiortortarneranni Neqerooruteqartitsinermi Maalaaruteqartarfik pillugu Inatsisartut inatsisaanni nr. 7, 12. juni 2019-imeersumi tulliuttut allanngortinneqarput:

1. § 3, imm. 2, imatut oqaasertalerneqarpoq:

” *Imm. 2.* Pisortat Pisiortortarneranni Neqerooruteqartitsinermi Maalaaruteqartarfiup suleriaasissani nammineq aalajangersassavaa.”

§ 6

Pinngortitamik illersuineq pillugu Inatsisartut inatsisaanni nr. 29, 18. december 2003-meersumi tulliuttut allanngortinneqarput:

1. § 58-imi imm. 2-tut ilanngunneqarpoq:

” *Imm. 2.* Pinngortitap illersorneqarnera pillugu Naammagittaalliuuteqartarfiup suleriaasissani nammineq aalajangersassavaa.”

§ 7

Inatsisartut inatsisaat ulloq 1. januar 2025 atuutilerpoq.

Imm. 2. Peqatigitillugu nalunaarutit tulliuttut atuukkunnarsinneqarput:

- 1) Ineqarneq pillugu maalaaruteqartarfiup sulinera pillugu Namminersornerullutik Oqartussat nalunaarutaat nr. 27, 26. november 2008-meersoq.
- 2) Unammilleqatigiinnermut Ataatsimiititaliap suleriaasissaa taassumalu suliassai pillugit Namminersorlutik Oqartussat nalunaarutaat nr. 12, 23. juli 2015-imeersoq.
- 3) Siusinaartumik pensionisiaqarnermut maalaaruteqartarfik pillugu Namminersorlutik Oqartussat nalunaarutaat nr. 25, 28. oktober 2016-imeersoq.
- 4) Pinngortitap illersorneqarnera pillugu naammagittaalliuuteqartarfik pillugu Namminersornerullutik Oqartussat nalunaarutaat nr. 6, 12. februar 2009-meersoq.“

Siunnersuummut nassuiaatit

Nassuiaatit nalinginnaasut

Allannguutissatut siunnersuummi siunertaavoq, Inatsisartut inatsisaata kalaallisoortaata danskisoortaatalu imminnut naapertuutilernissaannik qulakkeerinissaq.

Inatsisissatut siunnersuummi aalajangersakkanut ataasiakkaanut nassuiaatit

Nr. 1-2-mut

Allanguutissatut siunnersuummut nassuiaatit nalinginnaasut innersuussutigineqarput.